

# Trespíjax carta, Juan lelpox

---

## Juan lelpox chamoeyaxan Gayoliajwa

**1** Gayo, xan, anciano, lelx ampox carta xamliajwa. Xam tajnachalnam, xabich pachaemamponam xanliajwa. Diachwúajnakolax xam nejxasinkax.

**2** Takoewan nejxasinkaxponam, me-ama xam pachaemam Diosliajwa, xan Dios kawúajnax puexa pachaemaliajwa xamxot, bə'xaenkasamatambej. **3** Xan xabich nejchachaemlax, wajkoew pa'an wut, japi xan nachapaei wut xam chiekal naexasisfulampox Dios. **4** Jiw, naexasiti Jesús pejwúajan, xan naewúajnax wut, japi jiw, me-ama taxikola wut, ja-aechi xanliajwa. Samata, xan xabich nejchachaemlax, wultaenx wut japi chiekal duilafulpox diachwúajnakolaxtat.

**5** Takoewan, xam nejxasinkaxponam, pomatkoicha isam pachaempoxan asew jiwliajwa, japi naexasiti Jesús pejwúajan. Japi, me-ama wajkoew. Asew jiw, asatúajnúchanpijw, nejboxot pat wut, nakiowa xam japi chiekal bə'kúlam. Kajachawaetambej. **6** Xamxot nawenpi natamejlaxtat xanal nachapaeipi xam xabich nejxasinkampox japi. Japi, wajkoew, pejme xamxot pat wut, jnawekajachawae'e Dios nejxasinkpoxtat, japi fúlaeliajwa wut asatúajnúchanle! **7** Japi nanúamt Jesús pijaxtat isliajwa Jesús pijax, bichax. Kajachawaesax kinos-eli naexasis-eli Dios. Japi kinotlax kajachawaesax Jesús pejwúajan naexasitpikal. **8** Samata, xatis japi kajachawaesaxaes, japi jiw naewúajan wut Dios pejjamechan. Japox isas wut, xatis kajachawaech naewúajnafulaliajwapi diachwúajnakolaxpox.

## Diótrefes ispox babijaxan

**9** Xan chajia lelx asacarta japi Jesús pejwúajan naexasitiliajwa xamxot. Pe Diótrefes nejchaxoela-el naexasisliajwa, xanal

cartaxot lelx wut jəm-anpox, japon pajut jiw tato'lasia xot. **10** Asamatkoi xamalxot patx wut, chapaeyaxaelen xamal nejwəajnalel japon ispoxanliajwa xanalliajwa. Japon jəm-aech kichachajbapoxan xanalliajwa. Kaes chaemilpoxan isfəlbejpon. Kajachawaes-elon wajkoew, japi nabistpi Jesúsliajwa, pat wuti japonxot. Tapae-elbejpon asew wajkoew, japi kajachawaesasia wut japi patpi. Japi kajachawaet wut wajkoew, iglesiaxot nakolax to'apon. **11** Takoewan Gayo, nejxasinkaxponam, jnabej is babijaxan, me-ama asew jiw isfəl! jXamlax isde pachaempoxan! Pachaempoxan ispi, japi Dios pejjiw. Asew jiw lax, ispi babijaxan, japi jiw chiekal matabija-el Dios.

**12** Amwut jəmchiyaxaelen Demetrioliajwa. Puexa jiw chiekal naksiya japonliajwa. Chiekal naexasisfəlon Dios pejjamechan, diachwəajnakolaxpox. Xanalbej naksiyax pachaempoxan japonliajwa. Xam matabijtam xanal jəm-anpoxan diachwəajnakolax.

### **Amxot Juan lelpox kitoesaxael**

**13** Xan xabich wəajan xam jəmchiliajwan. Pe nejxasinkanenil lelaliajwan japoxan ampacartatat. **14** Xan lax tajut chiekal nospaesian, xam səapich, nejchaxoelx xot xamal taeyax. Jawut chiekal nospaeyaxaes. **15** jPuexa jiw xamxot chiekal nej duile' wəajan jilaxtat! Nejnachala, amxoti, japi xato'a saludos xamliajwa. jKaenanəla nawesaludam wajnachala!